



Kej Saib Tsis Taus Rau Kej Nrhiav Tsev Nyob

Housing Discrimination

Yam Kej Saib Tsis Taus Twg Txhaum Txoj Cai?


Nyob hauv Xeev Minnesota, tsis muaj leej twg yuav coj txawv rau nej vim nej yog:

- Nqaij tawv txawv
- Tsev neeg txawv (muaj menyuam)
- Puas tes taw
- Pojniaj/txivneej
- Noj nyiaj luam (MFIP, GA, SSI, lwmyam)
- Haiv neeg txawv
- Tawv dub,daj
- Kej plees kej yi (Muaj txog seb yog pojniaj los yog txivneej)
- Hnoob nyoog laus (St.Paul xwb)
- Kej ntseeg txawv
- Kej sib yuav (tsis muaj cuab muaj yig)

Yam Twg Yog Yam Uas Raug Neeg Saib Tsis Taus?

Tsis Txais Daim Ntawv Thov

- Thaum koj hu xov toj rau, lub tsev tseem seem. Tabsis thaum tus tswv tsev pom koj yog neeg nqaij tawv txawv, nws “hais tias lub tsev tsis khoom, twb muaj neeg nyob lawm.”
- Tus tswv tsev hais tias nws tsis kam xauj tsev rau cov neeg noj nyiaj luam. (MFIP, npaws fes).
- Koj raug tsis kam vim tias koj muaj mob puas tes taw, txawm tias yam koj muaj mob ntawd twb tsis ua kom koj tu tsis taus. Yog koj nrhiav kej paub ntxiv mus xyuas daim ntawv [Koj Xav Tau Koj Tus Tswv Tsev Hloov Koj Lub Tsev Vim Koj Muaj Disability?: Tsim Nyog Pab.](#)
- Tus tswv tsev hais tias “tsis yuav menyuam” tabsis twb tsis yog tsev laus thiab lub tsev kuj tsis yog cov tsev uas muaj plaub hoob es tus tswv nyob ib hoob.
- Tus xyuas lub tsev “apartment manager” coj txawv rau cov neeg xauj tsev. Piv txwv li, lawv hais tias cov neeg noj nyiaj luam-npaws fes yuav tsum tau nyiaj peb npaug ntawm lub nqi tsev, tabsis lawv tsis hais li rau cov neeg ua hauj lwm.
- Koj daim ntawv lawv yeej tsis muab coj los zwm tseg vim koj kej ntseeg tsawv.



Coj Txawv

- Tus xyuas lub tsev xauj kho cov neeg tawv dawb hoob ua ntej cov neeg tawv dub, daj.
- Tus xyuas lub tsev xauj rau txhim rau cov neeg nqaij tawv dub, daj ntau dua.
- Tus tswv tsev tsis kam kho txoj cai me me kom tus neeg puas tes taw nyob tau hauv lub tsev yooj yim. Piv txwv li, cia tej tsiaj uas txawj paj yus nyob nrhog yus. Yog koj nrhiav kev paub ntxiv mus xyuas daim ntawv [Can I Keep a Pet?](#) (Kuv cia tej tsiaj nrhog kuv puas tau?) *(lus Askiv xwb)*
- Lub tsev koom haum tsis pub koj nruab ib tug nruab nrab kem rau cov rooj log. Yog koj nrhiav kev paub ntxiv mus xyuas daim ntawv [Koj Xav Tau Koj Tus Tswv Tsev Hloov Koj Lub Tsev Vim Koj Muaj Disability?: Tsim Nyog Pab.](#)
- Muaj ib txoj cai tshwj xeeb rau cov menyuam yaus los tus tswv tsev muab pem teb ua ntej lub tsev xauj rau tsev neeg muaj menyuam xwb.



Raug Tsim Txom

- Tus xyuas lub tsev yuam kom koj tham nws thiab nws cia li nkag los hauv koj tsev. Mus xyuas daim ntawv kom paub ntxiv [Sexual Harassment in Housing.](#) (Kev ua nkauj ua nraug pem haus lub tsev). *(lus Askiv xwb)*
- Tus saib kev ruaj ntseg “security” coj txawv rau cov neeg tuaj xyuas koj, vim tias lawv yog neeg txawv.
- Cov neeg nyob ze yuam thiab hem kom koj taw ntawm thaj chaw ntawd vim koj yog neeg nqaij tawv txawv.

Kuv Yuav Ua Licas Rau Yam No?

Yog lawv tsis kam xauj tsev rau koj thiab koj xav tias yeej muaj kev saib tsis taus, koj yuav tsum hu xov tooj mus nrhiav kev pab sai li sai tau.

Koj hais kom cov neeg uas koj paub mus thov nyob seb tus tswv tsev ho coj li cas rau lawv. Piv txwv li, koj xav tias lawv saib tsis taus vim yog nqaij tawv txawv, hais kom lwm tus neeg tawv dawb mus seb lawv ho coj licas. Nco qab sau cia tus neeg koj thiab koj tus phooj ywg tham nrog thiab nej tham ua licas.

Yog koj raug kev saib tsis taus lossis tsim txom phem heev ntawm qhov koj nyob, koj yuav tsum sau ib daim ntawv mus rau tus tswv tsev. Khaws ib daim cia thiab koj yuav tau khaws tej puav pheed uas lawv saib tsis taus lossis ua phem cia. Hais kom muaj neeg ua pov thawj pom. Sau cia txhua zaus uas muaj tej yam dabtsi tswm sim. Yog tias txoj kev saib tsis taus-tsim txom pheed ua tsis tsum li, lossis yuav ua kom raug mob lossis piam sij-puas ntsoog, hu mus nrhiav kev pab sai.

Ua Plaub Thiab Koom Haum Kev Tsis Txaus Siab

Koj muaj peev xwm pib ua plaub foob kom tsum qhov kev saib tsis taus thiab tej zaum tau nyiaj los kho qhov kev piam sij-puas ntsoog. Yog koj xav kom tau kev ncaj ncees tam sim no rau lub tsev uas tsis kam xauj rau koj, hais kom tsum txhob tsim txom-ua phem, lossis hais kom txhob muab koj rho tawm, ua plaub foob yog qhov zoo tshaj rau koj. Yog koj tau nyiaj tsawg, hu rau qhov chaw ua plaub dawb ntawm koj nyob (Legal Aid).



Nyob Hauv Ob Lub Nroog Ntxaib, Hu Rau:

Housing Discrimination Law Project, (612) 334-5970

los

Housing Equality Law Project, (651) 222-4731.

Koj yeej nhriav tau kev pab los ntawm cov chaw lis dejnum rau tseem fwm txog kev saib xyuas kev ncaj ncees rau sab vam tsev. Lawv yuav taug qab xyuas yam koj qhia, koj tsis tau them nyiaj dabtsi li. Yog lawv pom tias yeej muaj kev saib tsis tau-tsis ncaj ncees, lawv yuav hais kom muaj kev haum xeeb. Yog hais tsis muaj kev haum xeeb, lub koom haum yuav foob tus neeg uas muaj kev saib tsis taus. Peb lub koom haum yog:

MN Department of Human Rights

Freeman Building
625 Robert St North
St. Paul, MN 55155
Xovtooj: (651) 539-1100 or 1(800) 657-3704
TTY: (651) 296-1283

MN Department of Human Rights – St Cloud

City Hall
400 Second St South
St. Cloud, MN 56301
Xovtooj: (320) 650-3133

www.mn.gov/mdhr/

Housing and Urban Development (HUD)

77 West Jackson Boulevard
Chicago, IL 60604-3507
Xovtooj: (800) 765-9372

www.hud.gov

Koj ua yam twg los tau, yuav tau ua kom sai. Muaj ntau zaus, koj yuav tsum tau ua ntawv foob lossis kev tsis txaus siab tsis pub dhau ib los ob xyoo.

Tsis txhob siv daim ntawv qhia no yog tias nws twb ua tawm los dhau ib xyoos lawm. Sau ntawv rau peb kom peb tau kho cov ntawv thiab muab hloov tshiab, daim ntawv qhia txhua yam uas muaj tiag nov, los yog lwm hom siv los qhia.

© 2019 Minnesota Legal Services Coalition. Cov ntaub ntawv no rov muab tsim tawm dua tau thiab siv rau tsis yog lag luam thiab kev kawm xwb. Tas nrho txoj cai tshwj tseg. Qhov lus ceeb toom no yuav tsum nyob ntawm txhua txhua daim ntawv luam. Txwv ncaj nraim tsis pub rov muab tsim tawm thiab faib rau suav daws yam yuav nyiaj ua lag luam.